


風陵文庫
文庫19
F295
6



呂純陽先生編年詩集卷之七

清詩

粟盡弟子火鹵月敬編

石室三驗詩

乾隆戊寅冬華陽王心齋純一梓潼

呂茂林宣與漢州張崇修仁榮同肄業成都石室

聞扶乩傳姓者素奉呂祖甚著靈異三人往問一

生功名各得詩一首見張雲谷錦里新編

示王心齋

光天化日正好吟哦種蔗得蔗不慮蹉跎馳驅雲海寄

與岩阿前程如漆君自揣摩

次年已卯王就吳姓館額有光天化日四字喜曰此
驗矣種蔗得蔗必謂春播秋收將應在本年是科果

中丙戌批檢安徽借補池州府經歷調繁淮寧檄委
大安州馳驅雲海云云皆驗後以事被參繫獄十載
奉旨釋還始知前程如
漆指入獄而言非虛語也

示呂茂林

讀書好。讀書好。讀書之樂真縹緲。樂光光照。綠荷衣會。
見香風拂。瑤島長安得意早歸來。始識仁親以為寶。

呂為人風流瀟灑。酒中壬午鄉試入都考授景山教習。
丁亥秋期滿赴銓。將得缺矣。忽病死旅邸。時太翁呂
儀表尚在靈柩。乃得速歸。所謂
上親也。紬繹詩語。一一皆應。

示張仁榮

卅載風光竟若何。鑑湖一曲香烟波。知章去後無人識。
蜀道難兮未足多。

張屢試不中。甲寅乙卯鄉會試始以年考入場。具奏
欽賜翰林院檢討。計戊寅請。此時已三十六七年矣。州
載風光適與暗合。且太白以知章薦授翰林供奉。仁
榮以孫中堂補山薦授檢討。皆以浙人薦蜀人更奇。

雁字詩六十首并記

乾隆丁亥春。成都有諸生六人。請呂仙。連日焚符
不至。一日有老叟入訪。自稱山西老進士。何容心。
笑謂六生曰。請仙何事。曰。作詩會耳。老叟曰。仙猶
人。也不必與仙會。請與吾會。吾甲子頗高。是亦現
身神仙也。六生戲其老。即拈雁字為題。分韻各賦
五首。咸謂三十韻已占盡矣。令擇其韻寬者為之。
老叟畧無難色。筆不停披。頃刻成三十首。以示視。

六生分詠五首。乃初就焉。六生見而驚異。各呈所作。懇祈改正。老叟笑而諾之。隨閱隨改。改畢。批後曰。合讀諸君佳製。老人妄加塗抹。不知視原唱為何如矣。釋筆而出。不知去處。六生讀其詩。皆拜服。他日問山西客曰。貴都有老進士何容。心否。曰。無。既而有悟者曰。此即呂仙也。何容二字之心。皆有一口。兩口為呂。老進士言咸通及第也。爰刻其詩。并改者亦歸呂祖。

一東

南來無意學雕蟲。自寫寒暄寄化工。青嶂還依成石刻。碧雲輕繞待紗籠。年年潑墨難傳恨。日日臨池不買窮。仰面但隨人指識。何須載酒問揚雄。

誰將醉墨洒秋空。健筆高馳萬里風。蘆溆偶過同曳白。楓林閒遶學題紅。聯翩結構雲中布。彬彬文章天上雄。古蹟至今猶未變。何須重問九成宮。

二冬

遺跡無心上鼎鐘。自來空際寫秋容。孤鶩一點臨張旭。橫掃雙鋒學蔡邕。遐舉暫看毫彩瘦。低飛驚見墨花濃。數行草草憑誰寄。珍重天涯恕不恭。聊從霄漢作書傭。西抹東塗淡復濃。風裏斷章還急就。

雲中垂勅又存封。天懸鐘鼎龍文逸。洛影圖書鳥紀重。
高擲玉壺傾墨瀋。遺編時落華山峯。

三江

寫遍長空念未降。肯教輕集米家艘。風驚健筆珠璣亂。
日度微陰點畫雙。毫染露華揮碧落。墨和煙影蘸秋江。
山腰淡繞晴嵐跡。彷彿閒題上綠窗。
無心論辨到雞窗。羽翰偏能壓大邦。弄月偶然書帶草。
凌雲應有筆如杠。煙霞歷亂毫初展。鈎畫參差距每雙。
健翮適題天地濶。豈同隻句說楓江。

四支

徘徊天際若尋詩。日運霜毫寄遠思。曾以短翰依日月。
聊將一畫學庖羲。灘頭紅蓼供鉛槧。塞外寒煙代墨池。
斜過北山真復草。不停風雨任紛披。
來向南天補逸詩。句成何用錦囊隨。樓頭帶月題花萼。
洲上啣蘆寫竹枝。天地影分奇偶變。風雲道合語言奇。
步虛時有清祠醮。永作人間一字師。

五微

朝來染翰弄晴暉。自寫元文傍紫薇。體勢每因風雪勁。
羽翰多為稻梁肥。新裁印月今還昔。簡斷沉雲是也非。
遠去漸成蚪蚪跡。添痕猶帶碧雲飛。

直書皆與世相違。天地容光任發揮。片雪斷行裁玉牒。
平沙遺譜上金徽。須知自古書能化。始信而今筆可飛。
高入暮雲猶未已。似將妙想入非非。

六魚

誰把飛函寄太虛。聯翩直上密還疎。林間映月吹藜火。
天際乘風下石渠。未可指名為逸史。何妨竟號作中書。
卿雲寫就宜春帖。懸入遙空壯帝居。
奮翮秋風學著書。千篇一律卷還舒。揮成字句皆鴻寶。
賦就詞章盡子虛。結陣似將傳檄定。樓田應屬帶經鋤。
年年飛柬何嘗錯。不用人間較魯魚。

七虞

天地秋容一畫圖。標題留待羽衣徒。摹成豈在曾啣荻。
書就何人敢覆瓿。柳葉舊文排健翮。梅花新式開柔籬。
凌雲日向南齋過。俯看操觚笑腐儒。
持將清翰走雲衢。椽筆難教尺幅拘。不信世間存鳥紀。
可知天際有鴻儒。縱橫自是描空手。潦倒誰云潑墨圖。
低繞茂林楓正赤。側邊斜點數行珠。

八齊

鳳毛鵬翮敢相齊。五色徒教炫目迷。曾引一行霄漢潤。
大揮千首暮雲低。晴招片片霞為綺。寒倩紛紛雪作題。

時繞桂林花正落。秋風得意報金泥。
誰啓瑤函露赫幌。橫斜飛入白雲堤。風流到處供揮洒。
月旦何人重品題。碧落碑中添額篆。素濤箋尾押新鷺。
流霞片片來相護。國寶分明印紫泥。

九佳

濡墨年年長幼偕。疾徐濃淡任詼諧。蝕殘已免芸窗蠹。
鏤篆羞同薛壁蝸。真本夜教明月照。點塵時被白雲揩。
前生應是悲秋客。鎮日書空未有涯。

筆底風雲入壯懷。奇文應向碧空排。墨痕經雨篇章潤。
有簡埋雲體勢佳同就六書供藝苑助成八法倩朋儕
暮歸蓼岸徘徊立。寫就名園玉篆碑。

十仄

一行青翰倚雲裁。展翮知非百里才。春雨郵亭書出塞。
秋風禾黍賦歸來。翻憐晚陣塗皆亂。却笑中山穎易摧。
天上羽裳新譜就。填詞日到白雲隈。
書來齊唱紫雲回。鏤遍長空定不災。羽翰遠馳搖五岳。
文光直上接三台。大書獨便高年看。古篆還宜稚子猜。
詩寄隴頭揮即到。何須驛使更持梅。

十一真

墨陣縱橫辨未真。斜飛如乙復如人。怡情運翮從容搦。

得意呼朋仔細論。影落石田。千畫鐵羽。招新月一鉤。銀
弋人不解憐文翰。增繳摧殘。勝酷秦
霞彩高懸絳帳新。揮毫日日待嘉賓。輕揚亦似臨初倦。
疾掃。渾如腕有神。絕壁偶依疑勒石。法幢斜繞欲書紳。
曾將體勢傳黃史。指畫雖分總未真。

十二文

疎行密畫傍斜曛。吹落南宮一片雲。暫向世間稱墨客。
却從天上作修文。凌虛齋下同雙管。對月篆來帶八分。
尚教右軍今日見。也應無意換鸞羣。

點斜飛帳失羣。忽然依附助元文。書箋散亂臨秋浦。
墨陣參差入暮雲。古蹟不因南北變。新詞常被水天分。
自逃秦劫還千載。避蠹何須更覓芸。

十三元

寫破晴空萬里痕。幾行真草動乾坤。唱酬不倦偕妻子。
點畫相依仗弟昆。寶額篆成臨帝闕。素帘揮就掛江村。
遺文未肯傳金石。鳥紀千秋古蹟存。
碧雲深處擁詞源。肯復留蹤入兔園。序次鄴侯三萬軸。
排成柱史五千言。雲書裁就馳霄漢。霜信携將度玉門。
柿葉滿林秋未老。題名何用到慈恩。

十四寒

遙空一片碧琅玕。幾處間題賴羽翰。天際儼然成筆陣。
風前竟爾作文瀾。朝沾玉露臺初潤。夜帶寒霜墨未乾。
驚逸忽看飛錯落。天書直上五雲端。
曉空霜葉供書丹。寶墨應知笑世酸。奴學大家成澀體。
主持正格得中翰。霜飛白簡秋毫勁。雪映瑤篇夜氣寒。
筋節不教人易獲。月明留句蓼花灘。

十五刪

羽檄紛馳度玉關。南來題詠滿秋山。神情獨向空中構。
章法如從塞外嫺。月下素書當夜檢。日邊丹詔待朝頒。
年年旅食由揮翰。風雨何嘗筆暫閒。

為傳秋信度天關。碌碌長途筆未閑。真草遠聯因雨葉。
簡篇中斷被風刪。持將外史歸東壁。賦就移文過北山。
應向稻疇書乞米。千秋佳帖共推顏。

一先

數行揮洒夕陽邊。倒倚雲霞代蜀箋。結構偶然成古篆。
淋漓隨意得新聯。嗷嗷應恨饑難煮。矯矯何須醉始顛。
獨向虛空書怪事。肯教凡蠹化神仙。
漠漠江天望草賢。指揮不受白雲牽。篇章成自關河外。
體法傳於畫卦先。飛寄洞庭尋橘社。下臨中澤覓蒲編。
似因書榜凌雲殿。毫髮而今尚皓然。

二蕭

一行飛遞楚天遙。文彩翩翩動九霄。曉振羽衣揮露布。
夜合臺素染霜綃。離情認作相思譜。逸興翻為招隱謠。
雨後偶從虹畔過。却於空際見題橋。
大書揮破白雲寥。懸腕秋空暮復朝。體格古今無異法。
文章南北盡同條。螢光高下爭然燭。鴉陣離披浪續貂。
自有碧霞供藻翰。何須屋角種芭蕉。

三肴

偶從天際演義文孤點。單衆作交南國近來新墨藪。
心原應是舊書巢。臨風款款文堪勒。印水翩翩影欲抄。
塞遠傳秋信到野人驚見巫子茅
却疑天上構書巢。至今馳翰競拔茅。錦帖全鋪菰草岸。
牙籤倒插荻花梢。閒成飛白能醫俗。偶就迴文不解嘲。
隸跡篆書隨世變。往來全不費推敲。

四豪

直向銀河濡彩毫。書成豈為寫牢騷。江南塞北題皆遍。
白雪陽春調自高。磐漸竒文揮石鼓。冥飛清韻譜雲璈。
辭鋒遠却還成陣。忽變雙鉤作六韜。
長空呼伴寫離騷。不借人間一字操。書向雪中飛玉屑。
鋪來日下晒金韜。因探禹穴山前聚。豈避秦坑塞外逃。

俯看北窗釘。餽客髭鬚。燃盡首空搔。

五歌

共挾風霜夜渡河。書成得意亦吟哦。雖同振彩。神霄漢也為能文。觸網羅。羽倦恨難酬。筆債悲鳴。豈屬困詩魔。而今吐吐書空者。盡向樊籠自作囚。

夜持清翰渡銀河。點畫參差法偃波。寫就漫貽僮父笑。書成當付雪兒歌。如同直史惟操一。不倩旁人代補戈。欲向三山招羽士。結將飛篆入雲窩。

六麻

張空水走龍蛇。不向人間判五花。染墨一生辭楚曉。儂書半歲在天涯。聯翩覓食如投筆。絡繹歸汀竟畫沙。鷹跡草真宜好辨。莫將疑似認寒鴉。年年飛翰寄天涯。本是鴻文不自誇。仿古更誰同逸少。問奇何復見侯芭。霞光春護成丹詔。嵐色朝分覆碧紗。白羽倦臨秋浦淨。各將爪跡印平沙。

七陽

時將飛檄問穹蒼。到處隨留翰墨莊。雲暗有詩傳遠塞。峯高無跡寄衡陽。往來空運春秋筆。行止何慚伏臘郎。鴻寶自教千載重。評衡底用說鍾王。還同霄漢助天章。霞彩緘封錦繡囊。北海蘇波餘墨瀟。

文昌舒氣接珠光。縱橫不受風簷束。瀟灑曾揮露布狂。
秋葉舞空黃更赤。坐看飛帙擁縑緗。

八庚

遠入南天畫漸輕。疾徐成象更分明。徘徊寫出風雲幻。
嘹唳吟將月露清。亦似熟觀渾脫舞。也如曾見擔夫爭。
凌霄自足供揮洒。不去間題塢上名。
天陰森森調墨兵。疑真疑草復疑行。揮毫滿眼雲煙落。
展翮千行風雨驚。磐石就陽書盡曝。江田覓食筆能耕。
自從點破虛無畧。肯似凡文共俗爭。

九青

來賓天末試霜翎。也有奇文照汗青。塞曲寫成聊寄怨。
秋風賦就不堪聽。濡毫時染金莖露。傳檄人稱使客星。
誰道竟無臨做處。玉關應是草元亭。
入夜能傳月露形。道庵斜拂帶黃庭。鋒銜欲盡還成乙。
鈎畫雖聯不識丁。奮舉未須驕倚馬。觀書何用照囊螢。
一行遠入南天去。長詠江峯數點青。

十蒸

北來清健擬枯藤。久集南天體格凝。腕下更無塵一點。
胸中應有墨千升。聊成幅葉隨雲訂。草就珠璣付水騰。
才調不羈雙足展。文光遙映上林燈。

自是書家最上乘。空中隱隱暗藏棱。雷門欲過疑韓石。
虹澗纔依更結繩。莫道書傭無異法。須知鳥跡擅奇能。
踰躑肯學人間體。定見天涯紙價騰。

十一尤

旅信千行向孰投。拂雲披月任風流。肯教拘束烏絲幅。
直欲縱橫白玉樓。驚夜似將符可竊。來賓應有句先偷。
口中正好高懸市。隻羽千金未足酬。

間挾飛仙汗漫遊。墨痕斜拂白雲秋。縱橫寫遍三千界。
鹵莽書殘四大州。魚錦未須重問候。鳳樓應自懶添修。
度可到映明霞影。紅葉題將出御溝。

十二侵

何當天際見書淫。寫出悠然萬里心。羽鍛舞空翻倒薤。
首垂窺渚露懸針。淡分蟬翼籠輕霧。遠帶蠅頭遶暮林。
指點兒童勤做習。前山遮斷未能臨。

荻花秋月照詞林。毫管重教羨綠沉。暮雪幾行歌落絮。
西風一株寄來禽。文章門戶分南北。翰墨流傳自古今。
照遍白雲霄漢濶。何嘗掣肘費思尋。

十三覃

塵。戰。西。風。墨。更。酣。龍。蛇。飛。影。入。秋。潭。相。依。月。窟。題。團。扇。
獨。入。霞。天。押。錦。函。一。點。每。從。頭。上。出。雙。鉤。都。向。足。邊。含。

閒從法苑馳文藻。散作天花聚作曇。
竒蹟應從禹穴探。素毫終日染雲藍。時於堂侶書纔就。
未得師模性已諳。豈是雙文同社燕。還將孤點法春_經函。
遙看尺五天邊過。真欲飛空啟露函。

十四鹽

廣幅何人拓簡籤。懸空飛舞任觀瞻。影留寒月毫添相。
行斷秋風句失粘。書就有誰知白帖。草完無地給青縑。
偶然忽向峯頭過。幾處餘神繞筆尖。

南天幾點墨纖纖。佳句秋空偶一拈。竒幻空教人閣筆。
孤高不望世酬兼餘神且聽雲霞護逸致憑將風月添
歸向平沙堆醉墨。曉來隨處有遺銛。

十五咸

為譯番文說法品。指揮瀟灑誦聲喃。汀為古硯蘆為筆。
雲作竒箋霧作函。載贄侍臣時去國。掌書仙史暫之凡。
興來不必勞呵凍。舞雪題殘白練衫。

本是書仙暫集凡。遙空飛舞帶英咸。聯成夜月詩千首。
剪破秋風墨一函。似愛幅長書每縱。如嫌筆滯羽頻交。
江南寄遍羈人信。還向寥天報復緘。

齊雲閣詩并引

嘉慶初駐鶴漢臯齊雲閣主持文會。其中有袁易

諸生嚴立式程日以文事為切每有課藝必求改正後皆成名前後八九年未嘗招之入道蓋察諸生氣色皆行名中人因材而教也詩多率意今錄數首以見一時鴻爪焉

丁巳十月望日約諸生遊鳳棲寺獨薊此黃生來

遊歸齊雲閣賦此

手携麻餅坐苔階靜待諸生入寺來十月早梅都未見只餘黃菊一枝開

約齊雲諸子遊卉木林化為僧像示之歸壇賦此

勢真寺外願真願莫向人前信口言恐似漁郎歸去說空勞子驥訪桃源

再約諸子遊卉木林先示一詩

獨把漁竿向水投錦鱗未得上魚鉤科頭佇望招舟子雙槳搖來從我遊

後日諸生泛舟湖上遙見一漁叟垂絲如銀衆誦前詩而疑焉迫之不見

詠懷

一點浮雲拂面過人生歲月總蹉跎試思何事能如意皓月當空酒後歌

秋曉

桂殿金花爍平分一半秋風生剛在脫月皎正當頭山水添佳趣煙霞鎖客愁道人頻酌酒長嘯入滄洲

八月朔日

景物當秋美。偕遊興益歡。雨微霜有信。風過月生寒。以我容顏比。將他色相觀。滿庭松桂綠。高影覆黃冠。

癸亥八月十五夜降於黃鶴樓之仙棗亭與諸子

玩月

最防雲起掩秋光。幾陣金風送夕陽。洗得一天煙霧盡。滿輪皓魄發天香。

齊雲閣詩不作天語為對眼前人作眼前話耳聊改數首付編詩者

永寧道署示劉晴帆觀察斌時嘉慶壬申暮春月

柳。倚。畫。靜。鶴。翩。翩。一。片。清。光。落。九。天。雲。護。竹。窗。無。俗。韻。香。分。藥。圃。結。仙。緣。滿。簾。舊。雨。茶。初。熟。半。嶺。斜。陽。酒。未。乾。雅興不教人寂寞。會將佳話補新編。

題關公訓世真經 以諸惡莫作眾善奉行分類

一

神。武。英。雄。氣。丹。心。照。史。書。平。生。無。別。事。忠。義。勵。居。諸。

二

國。家。重。紀。綱。天。地。生。豪。傑。腔。內。抱。春。秋。眼。中。明。善。惡。

三

孔。孟。德。如。天。詩。書。人。所。讀。於。途。亦。解。行。此。道。何。由。莫。

四
人為萬物靈。道自五倫出。欲使庶民興。常將經訓作。

五
青龍帶月來。赤兔呼雲送。昨以愛施人。今將威示衆。

六
浩氣滿丹霄。雄風吹碧漢。長為護國神。只是教人善。

七
一卷覺民經。千秋為世重。乾坤與運行。海國應遵奉。

香分藥
神書精輯。臨信金玉聲。誦之還要想。想又不如行。

壺廬草自引

岷山導江。分於灌而合於瀘。沱仍江也。兩條環遶之。中周圍二千餘里。丹山碧水。大軸長圖。予偶過其間。行至一處。遇有少年逸士。荷鋤朗吟。入其山。摩崖者一卷也。臨其水。銘池者一勺也。造其廬。額屋者一壺也。其寓意廣矣。問姓不言。指火為姓。詰名不答。指月為名。予知其有夙根者。火為汞。龍之子。月乃鉛。虎之精。遂授以龍虎大丹。及卦象河洛。囑其飛鋤。江畔覓侶。同研窮理。盡性以至於命。焉。留詩十二章。即名壺廬草。

荷鋤吟賜火二唱之

日入西山兮陰不知何往兮杳杳冥冥日出東山兮陽不知何來兮紫氣紅光隨其自然兮作息田間日景長

卷山歌

觀倒景兮步高峯覽霞光兮萬丈紅峩嶻西峙兮新月如弓茲山無名兮卷石雲封及其廣大兮養育無窮

勺水歌

鑿岩阿兮成小池鑑天光兮萍草移抱甕灌園兮隨取隨携此水無多兮一勺自怡及其不測兮涵育無涯

壺廬吟

一壺廬兮一壺天廬中人兮壺中眠古之逸民兮在世何年順帝之則兮鑿井耕田荷鋤長嘯兮快樂無邊

大易吟示火二

庖羲垂卦畫道不落言詮文周繫微詞能探元中元孔子作象象易理露真傳此中有氣數時隱時敷宣宣聖苟不述誰能測廣淵乾坤易之門一語妙言穿易非眼中書亦非手中編乃是身中理其源在先天天生太極包藏圓又圓劈破鴻濛氣一陰一陽旋陽旋繼陰後陰旋成陽先此義誰能會尼山尚假年後人多註釋我爾由自然

金丹陰陽內外歌示火一

陰陽內外修丹譜。吾今入世傳與汝。內丹修罷成美女。
王妹陸丹外丹修時女做母。以女為母而生母。在坤鄉產金
童金童跨虎還東宮。而按節玉女騎龍成匹配。夫妻同志
守房中。非凡間房中術可知夫會行雲妻行雨。十月情濃產一子。
前日所產者。真天從此夫妻立大功。養個孩兒能不死。
手持神劍開天門。一聲霹靂震乾坤。日運兩睛觀八極。
仙風道氣許長存。九年換鼎居山洞。萬仞巍巍心不動。
法身粉碎滿虛空。百靈拱手萬靈送。

金丹家層次井然詩最精鍊

大江吟

西陟岷山觀。徼外千峯萬澗成。一派溶溶號大江。
長驅萬里注滄海。江從灌口忽分支。掉首別江向東馳。
大江不管支流去。獨捲波瀾自南逝。道人呼出沱龍問。
沱水源頭本江氏。才出汶山路幾何。不姓江兮改姓沱。
沱龍開口替沱說。要灌東川畎畝多。灌口東流那縣起。
繼走新繁過錦里。東逕都堂及簡資。東出內江江陽水。
我到洛源看符節。沱江仍與大江合。水自它行故曰沱。
異名同出何分別。老仙聞語笑洋洋。即沱兮沱即江。
大江茫茫衆水附。沱也歸來共一潢。我今再告沱龍曰。

江。量。宏。深。能。容。物。嘉。州。城。西。兩。水。來。青。衣。山。下。波。濤。濶。
敘。州。馬。湖。氣。相。通。南。廣。碧。湍。爭。隨。從。瀘。州。又。見。沱。流。返。
雒。水。湔。水。皆。會。同。渝。州。統。攬。嘉。陵。脉。涪。州。更。把。黔。川。納。
萬。州。渺。渺。吸。開。江。一。齊。總。東。過。三。峽。出。峽。浮。天。下。岳。陽。
洞。庭。千。里。涵。混。茫。跨。鶴。南。飛。玩。鄂。渚。漢。口。興。元。一。肚。裝。
黃。州。小。月。照。江。上。遠。遠。巴。河。送。夕。浪。飛。劍。江。州。看。彭。蠡。
東。捲。西。翻。吞。浩。蕩。皖。江。既。受。淮。西。流。得。來。又。被。大。江。收。
天。下。九。河。各。分。派。會。於。江。者。居。半。籌。噫。嘻。乎。朝。發。岷。山。
暮。方。丈。看。遍。長。江。大。海。秋。

告。告。易。易。怪。怪。奇。奇。寓。意。則。隱。隱。躍。躍。

請。秋。水。篇。不。如。讀。大。江。吟。劉。明。陽。

先。生。大。海。也。而。以。江。自。喻。弟。子。溝。渠。也。不。敢。以。沱。居。
然。沱。乃。大。江。一。派。耳。雖。非。沱。而。竊。願。為。沱。遇。灌。則。分。
逢。瀘。則。合。而。今。而。後。皈。依。先。生。者。即。稱。為。大。江。派。也。
可。月。

與人話舊

高。隱。終。南。薄。利。名。頭。銜。自。號。呂。先。生。烟。霞。匿。跡。雖。無。事。
造。化。關。心。最。有。情。白。日。不。催。談。道。興。蒼。崖。長。放。讀。書。聲。
天。都。景。物。皆。天。賜。雲。水。蕭。然。佩。劍。行。

意思流水對仗極工自記

一壺廬題壁

煮酒烹鮮話道情。每逢吹笛便心清。小壺天裏閑無事。服炁餐霞自養生。

春去詞誘火二到江上

掃去繁華一劍風。飛花兩岸滿江紅。桃源縱是神仙窟。內景須教外景通。
內景山中。外景江上。內景玉煉。外景金煉。

姓名題

姓著磻溪水。名藏版築山。自從騎鶴後。即著上清班。

浩然吟

天上一輪月。人間四海秋。我提長劍過。落葉遍刀州。
呂純陽先生編年詩集卷之八

清詩抱一樓間吟
一 稟壺弟子火鹵月編

江上看雲歌

江天雲起作雲蓋。歷歷檣杆出雲外。雲吞雲吐玉壺盧。雲水雲山銀世界。登峯長嘯岷峨高。走筆疾書風雨快。有客將予比大江。從今便行大江派。

大書四言

氣挾蒼龍身。騎黃鶴海上。逍遙蓬山遍。歷笑傲乾坤間。邀仙客。浩然之氣一闔一闢。胸有真宰。凡人不識。

一劍

一劍飛來萬里天。空行撒手拂蒼烟。瓊漿飲罷歸三島。
海水都隨丹仗還。

題畫石兼示江上諸子

出世先懷度世因。丹砂點化箇中人。吟風嘯月其餘事。
說孝談忠最認真。鸞鶴聲聲下寥泲。龍蛇字字見精神。
新詩寫上崑崙石。姓呂名岩字洞賓。

自書二首

看破禪爐雪點紅。人間長日在壺中。騎龍拍手來雲外。
跨鶴吹笙過海東。出世翻嫌天地小。成仙始識利名空。

羅丹九轉明真去。兩字難忘孝與忠。
說道吾閒却不閒。不閒却又大閑閑。才從天上校功過。
更向人間樂往還。老子凌風吹玉笛。諸生對片看江山。
任他塵海翻瀾起。那及空青遠市寰。

喜火二到江上戲作

汝本荷鋤人。胡為乎來哉。南山豆已種。西嶺雪初開。辭
膝下而近遊。覓江上之賢才。嘯月吟風登碧島。依山傍
水築丹臺。修身好。修身好。靜養丹田。人不老。色身堅固。
法身存內有靈明。無價寶。

過江樓

碧落雙笙起青空。一劍來天風吹兩袖。洒洒暮烟開。

大江派偈并引

余前作大江吟。人多以大江稱我。作良深矣。今諸子誦之。同然心喜。請開大江一派純陽。苦不敢辭。因按禹貢經文。岷山導江八句。書九字。曰。西道通大江。東海天空。以此循環。合九轉之義。偈曰。大江初祖是純陽。九轉丹成道氣昌。今日傳心無別語。願君箇箇駕慈航。

飛吟

跨鶴高歌拍手行。浮生看破得長生。聞尋海石磨龍劍。每上胡婁度鳳笙。訪到雨師開說去。邀來風后笑談兵。磨眉出帶英雄氣。白酒紅柑話道情。

七絕

信口長歌自往還。清音散處滿人間。南仙古調曲調有南仙呂誰能識一字。名高壓太山。

揚州

道人騎鶴上揚州。瓜步寒潮萬古流。明月二分橋廿四。淡煙疎柳滿江秋。

迴碧島

回道人回碧玉樓。忽聞仙客勸停騶。此間小住為佳耳。詩草一莖酒一甌。

劍化

劍化為龍意氣豪跨之何用策靈鰲吟飛過十洲晚
海水衝來千仞高

偶吟

雨後月如畫樓頭一笛風山齋人靜後冷語半階蟲

男女變易歌

我來江上無他事要度幾人成道士不知江上有緣無
先把真機傳火二火二逢緣代我宣切莫輕輕洩妙玄
丹法自男還自女女女男男顛倒顛錯綜變化把人愚
只為愚人心不虛凡人受離女洞房原在內內邊原是

永龍居永龍本是東家養東家就是木公像一自抽鉛

制木汞謂煉已用離女便成乾父樣外丹乾父死西隣

父投子胎震男生又如離女做坤母故有先天女鼎名

鼎內冥冥產一物又逢一箇男兒出這箇男兒是嬰兒

嬰兒歸家姪女悅姪女本是朱家人切朱裏兒東歸

復姓陳妙妙未陳匹配行雲雨養十月纔能產聖真我今

留下男女術字字詳明當解說世人若問真陰陽須尋

火二談此訣

剝蕉抽繭如註如疏可謂直指真傳發人所未發言

人所難言者此江上乙未之作敬錄以度善人東

六言訓劉道愚明陽李道霖濟陽楊道果培陽
莫把深文文過常存雅思思身衣衣儒衣守舊傳傳仙
傳翻新大擔擔吾大道清風風汝精神子子爾言記取
兩三三復元因

武昌

武昌城郭故依然楚國人家盡水邊檻外大江流日夜
閣中長劍倚雲天詞人坐嘯南樓月漁父歌回西塞煙
吹笛老翁閒更甚朗吟一曲響千年

月夜贈座客

今宵暢飲莫留停座上飄飄列酒星萬里江山明小意
開窗映雪讀黃庭

昨夜

昨夜秋聲處處生梧桐院落雨淒清洞庭仙樂纔聽罷
天外斜飛一雁鳴

雨後同韓清夫遊廬岳絕句六首

雲外廬山九疊青開窗對嶂咏黃庭箇中有景何人識
拋卷翻身入翠屏

雨後新篁綠浸人徑趨深處避紅塵韓笙呂笛雙雙度
一樣仙音兩化身

陶然何處不陶然在地逍遙似在天瀑布倒流三百丈

一時清氣滿崖邊

信口歌成信手題。別殘蒼蘚翠高低。忽聞梵鼓來煙際。

林木葱蘢到虎溪

一字吟來一字飛。天邊黃鶴載子歸。壇前有客難留此。

心似問雪入翠微

喚起眠龍出海門。須臾天際雨翻盆。長空一劍又飛去。

地上浮浮樹影昏

筆筆仙意字字欲飛月

海門夜景

手名黃鶴破空來。晚對層層笑眼開。月照海門百萬頃。

蜀山現像下山歌

肩荷龍泉今一擔。挑手持鹿尾今一松梢。來從何來今。

去從何去君。下雪山兮我上雲霄。有客遊山暮歸山下

扁挑手持松枝口唱此歌而上客異之焦人衝雲而去

江樓清眺

峯峯烟雨變晴嵐。天外我眉一。二三我愛此樓空際隱。

開窗時復望西南

和辛仙韻

神作明燈氣作盧。身藏道妙有誰如。劍頭吐出英雄氣。

無數龍蛇滿壁書

海上

海上秋風萬里吹。龍吟三島衆仙歸。我提長劍來空際。指得天邊一月飛。

七夕

始罷緱山宴。重來古寺遊。陳風梧葉院。細雨豆花秋。遠嶂雲初斂。長天霧乍收。新涼今若此。小飲發清謳。

秋雨吟

雨聲幽。雨聲悠。一聲一聲聲。聲聲秋。梧桐院。蕉葉樓。把酒醉到五更頭。任他秋雨愁。不愁淡夷猶。樂夷猶。

訓士

在世須為古大儒。芸窗休得混居諸。國家愛士深培養。天地生人重始初。都要躬行仁義事。莫將口讀聖賢書。倫常功業完全後。靜坐雲山樂自如。

九月初二日自海上至江樓

不騎黃鶴又騎龍。八尺身為一尺童。手握靈砂遊海岳。腰懸寶劍戰秋風。千山萬水飛紅葉。北嶂南雲蕩碧空。長咏仙音流極浦。滿江歌唱鬥漁翁。

西尖山作重九

野嶂凌霄漢。携壺九日遊。頂懸千尺路。尖壓衆峯秋。柏

掌歌聲起。翻身浩氣流。笑傾三百斗。相與話林邱。

自閩苑歸江亭

羽客頭簪閩苑梅。無蓑無笠雨中來。東邊霧閣西邊配。六扇雪窗兩扇開。寺後碧榕今日老。樓前蒼柏古人栽。經霜傲雪年年秀。寄語山僧好護持。

冬晚眺蜀中山水

雲白山青跨鶴遊。奇峯異水入刀州。日銜遠嶂明崖額。潮落空江見石頭。峽口霞飛還護壁。峨眉月滿不成鉤。且行且嘯來青島。笑引羣真話寺樓。

曾自壽山

大忠孝。要君擔大節。義要君肩。君之英氣如眉山。君昔從我遊。謙言弟子吾慚顏。我生唐室走天下。立功立德成虛談。惟有區區鄭重心。誓願九族同昇天。丹成勤度世。四海求名賢。一瓢藏宇宙。一壺隱山川。一劍多平。不平事一身。常與乾坤旋。左手抱明月。右手挾飛仙。飛仙與我共。徘徊長鬚酒。酒髯盈腮。勸君一杯酒。君且飲我杯。快哉快哉真快哉。五岳三山歸去來。

蟲兒爬沙成字五絕一首

北風吹雪意。明月雪中來。諸仙齊會此。燈上好花開。

佩劍歸江上五絕句

快快如風至。快快來來與月同。來諸生共醉山樓上。
賞月吟風數百杯。

一潭清水。一樓雲上。界歌聲下界間。我到錦江樓上坐。
劍頭吹氣掃塵氛。

為人切莫虧忠孝。請看虬髯劍氣紅。攜手高樓浮大白。
雪花朗照踏晴空。

巍巍仙勒冠羣真。飛劍時尋第一人。道妙從頭談子細。
花開鳥唱滿壇春。

元放擲杯杯化鶴。長房騎竹竹成龍。回翁長劍如飛虎。
雲山。青路。萬重。

天齊宮增修抱一樓銘并序

遍觀宇內。蜀多名區。俯察地靈。篤生人傑。文士卓

玄之輩。仙才太白之流。三蘇挺秀於眉山。四諫炳

靈於嘉郡。由漢唐宋明以來。舉什一於千百。猶嫌

畧也。爾迺迺碧島涵潭。豚岩接壤。仁聖天齊之廟。江

鄉報賽之墟。龍脉崩洪於沱水。鶴汀俯視乎江流。

條分六邑。幹育名賢。君子固窮。善人是富。則有如

江上者。門迎三水。氣聚一團。古寺臨波。游雲出壁。江

山如畫。恨無風雅住持。水石宜人。但有漁樵出入。茲

劉道愚輩。以存心養氣之儒。覓敬業樂羣之地。讀

書不為科名。惟善以為至。實因其舊製。聊作小樓。
二。間復以重玄。長開大江。一派羣居。終日文會友。
而友輔仁。于今三年。喜斯陶而陶。則咏抗閔希顏。
亦云盛矣。韜光晦跡。又何多焉。詎意處士風流雅。
人深致尊。岳帝為東主。以純陽如西賓。更卜雲岑。
增修舍館。聳高樓以祀。

上帝開別院。以祀羣仙。有軒有閣。有亭有池。竹中為屋。
以名齋。崖下題碑。而著跡。峩峩抱一隱。隱涵三且。
更如燕山故事。仙居又近東岳者也。遂為之銘。其

辭曰

欲小天。下須登太山。太山之高。鶴馭往還。有仙人兮。
巾黃衫。效顰口吃。名曰巖巖。昔年燕冀。今日岷江。神鄰
嶽帝。高倚雲幢。天齊之側。假弄詞章。談禪說道。佳士滿
堂。憐我一身。有如寓公。別造樓居。其氣清空。軒齋池館。
點綴皆。江上風月。延攬無窮。道一涵三。三歸抱一一。
歸何處。空行絕迹。

嘆嘆吟吟連環體

嘆紅塵。多少人人少。知吾大道。真真道。須求未生先。
生。嘯起蓬萊。春蓬萊。春色長不老。老却塵埃。無限民。嘆
嘆。吟吟吟。

寫像自贊

口口相傳。公之姓也。一山三日。公之名也。陰盡陽純。公之身也。平生大願。普度世人。一壺長醉。一劍空行。神明變化。巍乎上真。

又

萬古一真。陰盡陽純。壺藏日月。劍吐精神。四五箇口。千百變身。滿腔宏願。普度良因。

三字贊

這老叟。處處走。上下行。乾坤紐。青松畔。蒼巖藪。有箇人。

冬至

笑携兩口純乾子。陰盡陽生我又來。孤山跨鶴游冬景。梅花十月已先開。已先開。香滿盃。江南江北山隈水隈。鐵笛一聲也飛上樓臺。

示抱一諸子

虛。虛。寂。寂。原。為。竅。淨。淨。光。光。即。是。心。仙翁疊句形容出。

笑煞諸生到處尋。立坐行眠任汝行。獨尋這箇性方清。不將雜念全刪去。終被昏迷了一生。大道行之要自然。功夫好在語通玄。通玄寢食皆無愧。

飢則喫飯困則眠。
勤勤培養性根芽。平旦精神雨後花。洗盡塵囂存夜氣。
方稱第一道人家。

著雍闢茂驚蟄日示諸子即以自况

世路如崖行不得年華似水去難收。嘆吾飛出大千界。
與爾來談第一流。若把神仙分爵位。應推呂老是王侯。
十洲三島隨吟眺。自况詩成浩氣浮。

示諸生二首

回。公。不。比。浪。遊。仙。度。世。心。腸。遍。大。千。白。日。西。沉。誰。猛。省。

紅。埃。下。視。最。堪。憐。人。逢。一。死。皆。無。用。我。與。羣。生。幸。有。緣。

遺諸弟子莫忘身內永和鉛

真言為莫與庸流談白鬼。須將靜室養元神。乾坤大化誰

能運。日月長懸景更新。早把庚方認端的。玄玄妙理妙

無垠。

自壽二首

純陽煉就號純陽。腹有靈丹自主張。天地山河同壽考。
高歌馭鶴白雲鄉。

神仙須學大神仙。手握靈樞萬萬年。此日蟠桃齊慶賞。
羣真共坐小壺天。

夏至

一陽生後一陰生。陽往陰來大道情。採藥山人尋半夏。翠微深處聽啼鶯。

同三丰至潮洋寺

化作雙雙二老人。山門石上話玄因。路旁有眼不相識。飛上樓臺又隱身。

與丰仙聯句

雨後山嵐合。潮來水氣深。古今詩畫本。天地往來吟。說道須行道。修心始見心。憑欄一閒眺。唱和答瑶琴。

秋高詞

秋高秋高。天空鶴駕遙。長天空濶有餘聲。

題抱一宮示諸子

鴻鈞一氣與徘徊。天上人間自去來。口口相傳須記取。頭頭是道莫疑猜。乾坤在手隨吾運。闕竅通身望汝開。寄語江邊諸行者。修丹勿負道人回。

江樓歌

登樓一覽興無邊。大地山河在眼前。今朝與爾餐霞客。賞雪倚欄看江天。江天四望空明際。倚閣詩人都得意。得意詩來走筆書。明朗朗天活潑地。

初冬遊我眉

秋去冬來初一日。峩眉小步呂先生。龍遊雪頂鱗皆白。鶴嘯天空羽共清。我自海山飛到此。雲於巴嶽早相迎。今朝又過虛靈洞。拂劍長歌浩浩聲。

踏雪吟三絕句

白雲舒捲自無心。空際遨遊不染塵。朔風吹劍明如雪。雪裏飛來品道人。

三生石上話元機。片片雲霞補衲衣。笑把參同從底說。乾坤雪亮闡幽微。

空中吹笛踏雲來。世界如銀畫景開。白雪調高誰和汝。仙人斜倚玉樓臺。

菴廬花歌

純陽道人遊碧落。駐鶴蜀山覽松雪。蜀山靈草滿山崖。一種黃花開郁郁。此花此花是何名。道是菴廬可蓋屋。一片長裘大廈心。世上幾人知賞悅。開遍山南與山北。自抱幽香傲冬月。花盡餘莖補菴廬。比似茅針勝瓦礫。純陽道人無事遊。談及一草並一木。自此菴廬聲價添。勝他元亮賞秋菊。

屠維大淵獻二月朔日遊潮洋寺遇東方生圓隴

子自南梁假歸口占贈之即以送行

歸來來又去。此去早歸來。吏隱雖佳矣。山居更美哉。他

每還故里。此處有高臺。結屋梅花嶼。從龍自往還。

竹抱齋

乾坤是處有煙霞。我到山齋興益賒。三徑好花香不斷。四圍修竹影交加。禪窩地僻遊人少。道院窗虛坐客誇。欲看江天空濶處。軒前一覽更無涯。

聽潮軒

綠荷池上一軒開。背倚紅樓面水隈。笑對峩眉雲外立。手招山月渡江來。

四月十三日白鶴觀

煙外樓臺雨外山。此中風景勝荆關。人逢靜處逾求靜。我不能閒却甚閒。笑跨蒼龍與黃鶴。那分天上及人間。

明朝又是先生壽。請與諸君共往還。

聽潮軒即景

開軒飲酒笑吟詩。正值荷喧雨到時。醉把碧筒談道妙。江天雲水樹參差。

採蓮歌四首

採蓮葉。採蓮葉。做箇碧筒將酒吸。將酒吸。竅竅流通疏。關節。

採蓮花。採蓮花。芙蓉出水映朝霞。映朝霞。姍女紅顏比似他。

採蓮子。採蓮子。蓮子垂垂大如指。夫如指。舍利金丹皆若此。

採蓮藕。採蓮藕。不怕池中泥浣手。泥浣手。手中一抹全無有。

自題白鶴院塑像

搏沙和土捏吾真。縱是真身亦幻身。若把泥團能打破。虛空盡是我全神。

改白鶴院為白駒觀

仙人騎白鶴。高人跨白駒。逍遙入空谷。都是山澤儂。

僧道愚

靜以安身德更修。本色英雄心鐵石。和平雅度氣春秋。江邊亦自多奇士。涵養輸君出一頭。

箴七子各一首

道果

言從氣出氣隨聲。越緘舌寡言氣歸於腹。

道霖

志為主帥浩然氣生性。無戕賊燦然天真。

道和

英氣固佳勇心難續。不怕行遲只怕駐足。

道鈞

雲濃雨沛水木欣欣欲延子嗣養氣如雲

道元

誦經是口看經是心行經是善即經是金

道華

心靜固精精靜固形空山無擾雲厚石青

道相

享一番甜有一番苦甜苦相循平淡為主

荷鋤喜淵明結廬在人境詩予即用陶韻賦示

首以廣其意

幽人隱江島未聞沙鳥喧得此靜中靜烟霞地更偏
榻看黃庭竟忘身在山山門掩潭上水雲自去還子既
棲冥寂吾亦欲無言

再和一首以申前首之意

山林與城市都妨心擾喧達人何所拘心幽隨地偏君
聽塵中語誰不羨青山及至入山內又欲把俗還出入
白縈繞終無靜可言

清詞淨理元酒太美信筆所書遂成二首不效陶而
已似陶矣自記

勸道愚二首

與人不逞驕為善不求報只就性天為真入聖賢奧
人無不壞形子有不壞心月白雲空處天深勝海深

陳季慈後又遇此人故酌四十字輓之自記

勉火二

飲酒須如邵康節彈琴當似俞伯牙三杯止口開胸臆
萬重冥心到海涯白水閒烹香玉茗丹臺好種美金花
眼前歲月忙忙去休為他人發嘆嗟

潮洋寫興

夜燈三兩照南樓山竹清清水院幽雲氣回依丹嶂石
琴聲彈破碧天秋往來度世垂青眼多少癡人盡白頭
我願諸生知進退一齊撒手步瀛洲

喜東方生西采歸家與羣真聯句暢飲終日

長揖歸田廬卓卓圓陽子翁智燭官途非力爭泉石足
仙心經苦戰餘人受清閑始真富貴等浮雲榮華同蔽
履清紫一朝凜見幾千口嘆知止清夫人以仕為榮彼以貪
為恥清或比陶淵明或稱楊仲理穎至德鬼神欽清風
頑懦起在自今日歸去來山人皆大喜回

示侍側諸子

底事閒談道由來道要談深宵燈耿耿真訣話喃喃此
日棲山寺他年結草庵即時勤煉已大藥得來甜

芝蘭室

芝蘭開不盡。香氣滿空庭。雨止風初靜。仙壇燈影青。

午月望夜玩月歌

五月十五乾坤交。團團明月照深宵。眾仙騎鶴步雲霄。
口唱仙歌滿碧寥。回翁佩劍行飄飄。一霎時間萬里遙。
空青洞裏話松喬。神采飛揚酒氣高。潛虛為我將友招。
我眉峯頂白迢迢。鬢仙雲外首初翹。跨龍飛出鳴笙簫。
到此來談運斗杓。道情鼓吹聲越窗寮。天應星兮地應
潮。此是行禪第一條。橫空駕馭昇仙橋。逆轉銀河帝闕
朝。片片空中搖。廣寒甘露勝甘醪。君不見仙家快
活是今朝。

秋夜

談玄好是人惟舊。講道須容某在斯。秋氣已盈荷葉蓋。
露聲涼瀉桂花枝。空山月黑鬼神靜。綺閣燈紅朝暮思。
我輩而今天事了。重邀諸子夜論詩。

同丰仙步火圍陽韻

笑騎鶴馭來三島。因看廬山過九江。口裏吹回招鳳笛。
手中擎住繫龍樁。袖携片石藏東海。枕夢華胥卧北窗。
自把盧生提醒後。度人心願更蟠腔。

附丰仙作

山居休說軟紅事。門外長流濯錦江。處處栽根延命藥。時時打箇定心椿。我來綺閣風生座。人誦黃庭日滿窗。最愛九秋晴意好。羽人爭唱羽仙腔。

附團陽元韻

一。鈎。新。月。懸。西。嶺。無。數。好。山。圍。大。江。繞。樹。煙。霞。濃。似。染。立。灘。鷗。鷺。靜。如。樁。島。邊。流。水。寒。穿。石。閣。上。歸。雲。暮。掩。窗。自。笑。倚。樓。無。傑。句。新。詩。半。入。道。情。腔。

東坡集中有煮魚法諸生效之笑而賦此

聽讀東坡語萬行。就中覓得煮魚方。道人為寫放生咒。

况罷幾分滿鉢香。

題老子正義

吾自海天空。處處來來在清虛。浩渺外。劍拂霜。化紅葉。飛。口。唱。玄。歌。踏。雲。塞。天。地。容。吾。隱。現。身。出。沒。往。還。窮。世。界。滿。來。兩。月。闡。元。風。舉。筆。註。書。恣。意。態。相。遇。清。泉。白。石。間。笑。談。終。日。心。大。快。掃。除。浮。翳。見。清。光。有。此。方。能。闢。諸。怪。道。德。真。詮。疊。疊。談。正。義。微。微。達。顯。在。大。氣。混。茫。天。地。間。令。我。耐。觀。篤。珍。愛。

寒冬携陸長庚遊竹抱齋諸子以酒相酌書長句

記之

掃除紅葉當薪柴。煖酒烹鮮共一齋。正值寒冬天地合。

道人三兩坐山崖。任伊塵垢撲衣襟。中有清清一片心。
我與長庚發長嘯。朔風吹雪度瑤岑。

題道果蟠山堂

新詩一首話良謨。當作勤耕苦讀圖。堂上養親人事畢。
乘雲馭氣入蓬壺。

過荷鋤子山居

依山作舍野雲封。修竹千竿翠幾重。好是清空崖口月。
鼓琴吹笛自從容。

又題廬壁

向晚來相訪。天風過草堂。雞聲林外雨。鶴嘯竹邊霜。一
氣清平旦。雙峯抱草堂。山人歌詠處。雲木自蒼蒼。

以堯舜外臣四字贈荷鋤者

一腔慈愛貯山林。世外閑觀達且深。草澤詩懷民物量。
神仙氣抱聖賢心。窮研易象圖書旨。掃盡憂傷感慨吟。
借問堯夫誰得似。焚香一炷坐彈琴。

昭陽單闕閨七夕賞雨命諸子和之

一雨遍塵海。新涼滿大千。重逢牛女會。再唱鵲橋仙。
至道心心印。真機口口傳。為言同坐者。今夕是何年。

贈火二及東方生歸虛

月下純陽笛。山中火二琴。風聲傳裊裊。相與話秋心。

望寥天碧江煙水面沉歸虛知此意解印入幽林

遣侍者呼李歸虛

笛聲呼起李龍眠如此涼宵好論玄秋露滿庭人已靜
桂花香放石壇前

十月十八日集空清洞為汪圓通壽羣真聯吟命

書汪仙靜坐圖上

夢九道人仙人姿三山分神下蓬池回出為蒼氓降霖
雨坡仁風一扇樂雍熙丰觀察劍南調永北濤宦潮逾
起心逾伏回隨飛龍兮學長生坡忽作潛虬歸海若丰

何而望者不可企城順而拜者欲相從而君傍貌

如喬松紫今日為君壽回真容懸座首坡仙之靈兮俟

然來丰諸生同敬百杯酒紫天氣肅穆冬嶺高回梅花

開處奏靈璈坡我把道情歌一曲丰鶴為起舞鳴江臯

紫於戲夢九復夢九萬劫元神長不朽願人知幾如先

生回名與靈光照北斗齊唱

分而為諸仙合而為一手淋漓大筆磅礴高雲月

空青

一天晴雪照空青日暮來談沒字經冷似寒灰清似水
掃除塵垢坐黃庭

東方生歸隱白駒觀復構廬於移雲莊書二絕句

送之

宏景挂冠頻徙宅宣平避客更移庵。白駒皎皎宜空谷。從此烟霞味更甘。

入山惟恐不能深。為避人間日日尋。多少白雲隨汝去。東方久矣有遐心。

道家四果偈并解

道家四果者。悟真篇所謂投胎奪舍及移居舊住名為四果徒。是也。投胎者好善忘勢。樂靜安心。世生完美之家。起居自適。可以入道而無所

死者扶之而起。愚者變為聰明。移居者功成初果。道力未充。五行未離。大限已迫。誓願來世勤修。成無上道。舊住者煉性功深。一靈不昧。有五通而無六通。得小還而未大還。尸假遺形。或為神靈。或居岳瀆。守舊而居。不生不滅。此四者皆不煉陽神者也。因為之偈曰

陽神不煉煉陰神。難免拋身更入身。縱使陰靈長自在。何如白日露全真。

禪家四果偈并解

禪家四果者。金剛經所謂須陀洹。斯陀含。阿那
含。阿羅漢。是也。須陀洹。名為入流。而無所入。流
者。聖流也。今生前世。皆有根因。可入聖流。而彼
無作聖之功。故無所入。只許其輪回善道。即投
胎果也。斯陀含。名一往來。而實無往來。目覩諸
境。心有一生一滅。無第二生滅。故曰一往來。前
念既妄。後念即止。前念有著。後念即離。故實無
往來。念少性靈涅槃。遙印常能借屋而居。即奪
舍果也。阿那含。名出欲。亦名不還不來。而實無
來。出欲者。外不見欲境。內無欲生心。結庵冷坐。
力修定靜。靜功圓滿。入清涼界。定不向欲界受
生。故名出欲。誓願來生。生即蓮華。修成妙體。登
金銀界。快樂無邊。法身不壞。故名不來。而實無不
來。即移居果也。阿羅漢。名無諍。心無生滅。去來
惟有本覺常照。曰無諍三昧。三昧云正受。亦云
正見。修此無諍三昧。能飛行變化。注壽命。動天
地。為佛護法。如伽藍諦聽。揭諦。皆未降龍伏虎
者也。須陀洹。於彼投胎。得斯陀含。斯陀含。於彼
借舍。得阿那含。阿那含。於彼移居。得阿羅漢。因

為之偈曰

只憑覺性樂翱翔。四果皆陰不是陽。縱使靈通似羅漢。何如堅實號金剛。

總詠四果偈并引

投胎須陀洹。執迷不悟奪舍斯陀含。弄巧反拙。移居阿那含。來生願洪而不能勤修。現在舊住。阿羅漢。現在心靈而不解。雙修入聖。是皆自小者也。因為總偈曰

四果生來力悟玄。都能現世作神仙。如何不把真金煉。空抱靈機昧上禪。

余生日諸子載酒錦屏山之丞相祠延請丰仙追陪笑謝之餘並和丰仙元韻

醉餘酒氣立崔嵬。飛劍峯頭宿霧開。丞相祠前雲擁簇。錦屏山上鶴歸來。江從雨後添新漲。石自藤根長綠苔。

難 仙風雅甚為邀道侶競追陪。

日錦屏山與自在丰仙聯句

座 陳幾卷經。柏楞嚴道德與黃庭。呂瑤笙一奏來。

雲鶴丰鐵笛雙吹入錦屏。在自夏木陰陰春後綠 呂煙嵐

歷歷雨餘青丰我儕壽考俾天地。在自高坐蓬萊德自馨

示白駒觀諸子

談心聚首愛諸生。說破人情即道情。勸善好如行善好。月光明似性光明。乾坤詩酒片時樂。今古悲歡一夢清。何若眼前尋養術。白雲深處自高鳴。

聽人彈琴

聽彈一曲山居吟。半點塵埃不許侵。高士雅懷藏太古。道人知己托瑶琴。絃中對我談真訣。指下阿誰是賞音。若使同堂皆似此。靜時三弄有仙臨。

霜降夕臨江樓

一笑濛濛月登樓。已暮天江燈紅照水野寺白浮煙小。

和丰仙題老隱仙圖

化為鸞鶴氣羸羸。壽考年來近百京。洞裏烟霞長嘯傲。山中日月自流行。種瓜不類東陵子。逃世能先北郭生。溪水桃花隔塵世。未聞時事與時名。

附丰仙原韻

先入桃源避亂羸。不隨偽隱謁神京。家移翠嶂心逾靜。話到紅埃足懶行。抱甕丈人呼至反。接輿狂士拜先生。兒孫個個調鸞鶴。忘却塵中利與名。

又和題老遊仙圖

久隨日月辨虛羸。未領煙霞飛玉京。五老應添六老。

坐八公常餞九公行山間每遇赤松子世上渾疑白石生
今古事情都看破十洲三島盡知名

附丰仙原韻

千數早羸而今善果更如京奇蹤異跡頻頻著
鞋處處行千歲翁皆成故友萬年歷與紀長生
蹟遊塵世又學浮邱易姓名

城山聯句

一士樂長吟呂天外飛行步碧岑斗山喜來龍閣

仙皆停鶴話同心紫清三台隱隱衝煙出呂九室層

呂純陽先生詩餘卷之九
入雲深非隨意當年離世網海飄然雲路詠松陰

江上粟菴弟子火齒月重編

梧桐影毛稚黃詞譜一名
明月斜月起句也

題景德寺

明月斜。秋風冷。今夜故人來不來。教人立盡梧桐影。

漁父詞十八首一名漁歌子

草堂自記予作漁父詞一十八首皆言作丹之用
語無次第不加題目參同所謂紛多其詞也坊刻
於每首之前各列一題殊覺無謂刪之以存其真
可也

閉目藏真神。思凝晉音凝杳冥中。裏見吾宗。無邊畔。迴

朦朧。玄景觀來。覺盡空。

大道從來屬自然。空堂寂坐守機關。三田寶鎮長存。

前又讀淺赤帝分明坐廣寒。

日月交加曉夜奔。崑崙頂上立乾坤。真鏡裏實堪論。霞

靄紅霞繞帝門。

恍惚擒來得自然。偷他造化在其間。神鼎內火烹煎盡。

歷陰陽結作丹。

卯酉明中作用時。赤龍時蘸玉清池。雲薄薄雨微微。看

子午長餐日月精。玄關門戶啓還扁。常如此過平生。且

把陰陽仔細烹。

唐中興時曾以此詞示沐京石氏女得延其平

會合都從戊己家。金鉛木汞不須誇。只此物結丹砂。反

覆陰陽色轉華。

位立三才屬五行。陰陽合處便相生。龍飛躍虎狂吟吐。

箇神珠各戰爭。

四象分明八卦周。乾坤男女論綢繆。交會處更嬌羞。轉

覺情深玉體柔。

返本還元向此尋。周流金鼎虎龍吟。身不老俗難侵。貌

變童顏骨變金。

還返初成立。變童瑞蓮開。處色輝紅。金鼎內。迴瞳矚換。骨添金處處同。

那箇仙經述。此方參同。大易顯陰陽。須窮取。莫顛狂。會者名高道自昌。

九轉功成數盡乾。開爐撥鼎見金丹。餐餌了。別塵寰。足躡青雲突上天。

舉世人生何所依。不求自己更求誰。絕嗜慾。斷貪癡。莫把神明暗裏欺。

學道先從此處修。斷除貪愛別嬌柔。長守靜。處深幽。服氣餐霞飽即休。

負貴貪榮逐利名。朝朝遊宴戀歡情。年不永。代君驚。一報身終那裏生。

萬劫千生得箇人。須知先世種來因。速醒悟。出迷津。莫使輪回受苦辛。晨鐘暮鼓

閉目尋真真自歸。玄珠一顆出輝輝。終日玩。莫拋離。免得閻王遣使追。

漁家傲

一名五葉黃

江南遊唱詞

二月江南山水路。李花零落春無主。一箇魚兒無覓處。風和雨。玉龍生甲歸天去。結外有餘音

按五代史補南唐李昇本徐溫所養先有童謠云東海鯉魚飛上天東海即徐之望也鯉者李也蓋言昇自溫家起而為君耳又玉壺清話南唐元宗時一漁者唱漁家傲其舌為鳴榔之聲以參之自號回同客音清悲如煙波間唱於金陵凡半年無有悟者後元宗果以甲歲二月殂於正寢魚兒乃向所謂鯉魚也詞中之語皆驗焉回同客呂洞賓之隱語也

六么令

示人

是天機你休癡你不知

憶江南

此單調也一名望江南一作夢江又作夢江南歸塞北望江梅夢遊仙間有雙調在內

與丹客詞

淮南法秋石最堪誇位應乾坤白露節象移寅卯紫河

車子午結朝霞

秋石即金丹非旁門秋石方也

王陽術得秘是黃芽萬藥初生將此類黃鐘應律始歸家十月定君誇

黃帝術玄妙美金華玉液初凝紅粉見乾坤覆載暗交

加龍虎變成砂

長生術玄要補泥丸彭祖得之年八百世人因此轉傷

殘誰是識金丹。

陰丹訣三五合玄圖。二八應機堪採運。玉瓊回首免柴

枯。顏貌勝凡姝。

長生客。初九秘潛龍。火裏飛來迎水虎。丹田流注氣交

通。著老返嬰童。

修身客。莫誤入迷津。道術金丹傳在世。象天象地象人

身。不用問東鄰。

迷丹訣。九九最幽玄。三性本同一體內。要燒靈藥切尋

鉛。尋得是神仙。

長生藥不用問他人。八卦九宮看掌上。五行四象在人

身。明了自通神。學道客。修養莫遲遲。光景斯須如夢裏。還丹一粒變金

姿。死去復生期。

治生客。細審察微言。百歲夢中看即過。勸君修煉任尊

年。不久是神仙。

西江月 一名白蘋香道
家名步虛詞

指玄詞

著意黃庭歲久。留心金碧年深。為憂白髮鬢霜侵。仙訣

朝朝討論。秘要俱皆覽過。神仙奧旨重吟。至人親指

水中金。不負平生志性。

任是聰明志士常迷丹竈黃庭參同大易事分明不曉
如醉難醒。若遇高人指引都來不費功程。北方坎子
是金精認得黃芽方盛。

世有學人無數。愚癡妄意如麻。汞鉛錯認結為砂。運火
欲覓黃芽。千日虛勞心力。人人盡破其家。真鉛似玉
本無瑕。白鳳肯比狂鴉。

至道不煩不遠。真人只在目前。淮王煉石得冲天。漢世
已經千年。全在低心下氣。事該緣分宜然。安爐立鼎
盡周圓。須得汞去投鉛。

聽說金公兩字。何物與作金孫。尋枝尋葉必知根。無覺
未免心昏。若用凡鉛為體。都來少魄無魂。水銀漸結
必難成。秘訣要妙誰論。

真假兩般玄字。金公作料重迷。凡鉛縱與岳山齊。不能
借與金妻。聽說真鉛住處。他家跳在深溪。兩情恩愛
事因媒。義重爭敢東西。

水火運來周歲。四六勿錯如初。水多火少失功夫。勝地
方始安爐。直須認鼎與藥。却如雞子無殊。內黃外白
結凝酥。一顆圓明永珠。

彼此相離生處。火遭水破驚忙。分身各自擬深藏。半路
再會蕭郎。夫為無衣素體。妻因水浸衣黃。丙丁甲乙

有形相剛遣令合陰陽。

減字木蘭花

題大庾嶺蒼壁示道衆

暫遊大庾。白鶴飛來誰共語。嶺畔人家。曾見寒梅幾樹。
花。春來春去。人在落花流水處。花滿前蹊。藏盡神仙
人不知。

百尺樓第一體

作卜算子大誤

仙居

心空道亦空。風靜林還靜。卷盡浮雲。月自明。中有山河。

寒仄冷 共養及修竹。舊話成重省。豆爆蓮生火裏時。痛撥

浪淘沙

前調也一名賣花聲一名
過龍門唐樂府有浪淘沙

仙家樂

我有屋三椽。住在靈源。無遮門壁任蕭然。萬象森羅為
斗拱。瓦蓋青天。無漏得多年。結就因緣。修成。功行滿
三千。降得火龍伏。得虎陸地神仙。

蘇幙遮第一體

詠真心

天不高地不大。惟有真心。物物俱含載。不用之時。全體
在用。即粘來萬象。周沙界。虛無中。塵色均盡。是還丹。

歷歷堪收采。這箇鼎爐解不解。養就靈鳥飛出光明海。詞以意勝者。此類是也。自記。

滿庭芳 中呂調也 一名鎖陽臺

詠大道

大道淵源高真隱秘。風流豈可知聞。先夫一氣清濁自然分。不識坎離顛倒。誰能辨金木浮沉。幽微處無中產有澗畔虎龍吟。壺中真造化。天精地髓。陰魄陽魂。運周天水火。燮理寒溫。十月脫胎丹就。除此外都是旁門。君知否。塵寰走遍。端的少知音。

壺中天 一名念奴嬌 一名百子令 更名大江東去 詞詠還丹

仙風道骨。顛倒運乾坤。平分時節。金木相交。坎離位一粒。刀圭凝結。水虎潛形。火龍伏體。萬丈毫光。烈仙花朵。朶聖男靈女。板折。霄漢此夜中秋。銀蟾離海。浪捲千層雪。此是天闕地軸。誰解推窮。圓缺片晌功夫。霎時丹聚。到此憑何訣。倚天長嘯。洞中無限風月。

水龍吟 一名小樓連苑 越調也

長生路

目前咫尺長生路。多少愚人不悟。愛河浪濶。洪波風緊。舟船難渡。畧聽仙師語。到彼岸。只銷一句。煉金丹。換了

凡胎濁骨免輪回。三塗苦。萬事澄心定。意聚真陽都。
歸一處。分明認得靈光真趣。本來面目。此箇幽微理。莫
容易等閑分付。知道蓬萊自有神仙伴侶。同攜手朝天去。

漢宮春

題廬阜山樓

橫笛聲沉。倚危樓紅日。江轉天斜。黃塵邊火。湏洞何處
吾家。胎禽怨夜來。乘風玄露丹霞。先生笑。飛空一劍。東
風猶自天涯。情知道山中好。早翠雲含隱。瑤草新茶。
清溪故人信斷。夢颺車。乾坤星火。歸來了。煮石煎砂。回
首處。幅巾蒲杖。雲邊獨是桃花。

但拍滿路花

題長安酒樓柱

西風吹渭水。落葉滿長安。茫茫塵世裏。獨清閑。自然爐
鼎。虎繞與龍蟠。九轉丹砂就。一粒刀圭。便成陸地神仙。
任他富貴擁華軒。到了亦徒然。黃梁猶未熟。夢驚殘。是
非海裏。終久立身難。拂袖江南去。白蘋紅蓼。再遊滄浦。
廬山

黃山谷最愛此詞。嘗畧更數句。以助行吟之興。或遂
疑為山谷作者。非也。

雨中花

題岳陽樓

三百年間功標青史。幾多俱委埃塵。悟黃梁夢幻。厭世
藏身。將我一枝丹桂。換他千載青春。岳陽樓上。綸巾羽
扇。誰識天人。蓬萊願應仙舉。誰知會合仙賓。遙想望
吹笙玉殿。奏舞驚裊。風馭雲駢不散。碧桃紫柰長新。願
吞一粒九霞光。裏相繼朝真。

思量我 詞譜無此調即以末句為調名

吳興妓館答張珍奴韻

道無巧妙。與你方兒一箇子。後午前定息坐。夾脊剛崑
崙過。恁時得氣力。思量我。

悶損我此調即以末三字為調名
望師不至

逢師許多時。不說些兒箇。安得仍前相對坐。懊惱龍
光空自過。直到如今悶損我。

步蟾宮

再過珍奴館唱此度之

坎離震兌分子午。須認取自家宗祖。地雷震動山頭雨。
待洗濯黃芽出土。捉得金精牢閉固。煉甲庚要生龍
虎。待他問汝甚人傳。但說道先生姓呂。

黃覺能景德中名士也嘗餞客於東都門外見一羽

士顏貌清華。邀共飲之。叩其姓。羽士以指染酒。書一
呂字。且曰。明年江南見君。既果。調官江南。為湖州守。
喜聽道情。詢諸妓有能為道情詞曲者否。俱無以應。
獨珍奴以前詞奏之。黃訝曰。呂先生曾過汝乎。珍具
述館中遇師。懇求了脫之事。覺能遂判其脫籍焉。後
珍奴佯狂市中。投僻地密修。逾二年。尹解。黃亦解任
還家。

望江南雙調

建炎中遊梓潼作

婁道明出侍女歌遊仙詞。侑酒口占此詞酬之。

岳也。上端霧靄羣仙。素練金童。鏘鳳板。青衣玉女。肅鸞
舞。身在大羅天。沉醉處。縹緲玉京山。唱徹步虛清燕
罷。不知今夕是何年。海水又桑田。

沁園春三首

巴陵旅邸和崔道士新聲以示元意

火宅牽纏。夜去明來。早晚無休。奈今日不知。明日何事。
波波劫劫。有甚來由。人世風燈。草頭珠露。我見傷心淚。
眼流不堅久。似石中迸火。水上浮漚。休休及早回頭。
把往日風流。一筆勾。但鹿麈衣淡飯。隨緣度日。任人笑我。
我又何求。限到頭來。不論貧富。著甚乾忙。日夜憂勸年
少。把家緣棄了。海上來遊。

前調

詩曲文章任汝空留數千萬篇。奈日推一日。月推三月。今年不了。又待來年有限光陰。無涯火院。只恐蹉跎老却賢。貪癡漢。望成家學道。兩事雙全。凡間只戀塵緣。又誰信壺中別有天。這道本無情。不親富貴。不踈貧賤。只要心堅。不在勞神。不須苦行。息慮忘機。合自然。長生事待明公放下。方可相傳。

前調

七返還丹在人先。須煉已待時。正一陽初動。中宵漏永。溫溫始覺。鼎光透。籛辟造化爭馳。虎龍交媾。進火功夫。牛馬角。曲江上。看月華瑩淨。有箇鳥飛。當時自飲刀圭。又誰信無中養就兒。辨水源清濁。木金間隔。不因師指。此事難知道。要玄微。天機深遠。下手速修。猶太遲。蓬萊路仗三千行滿。獨步雲歸。

燕山胡頭集詞

醉仙詞

誰把銀河一乳其家放皆釀酒。請月邀雲。迷透一天星斗。霧掩翠窻。霞舒錦繡。雪捲虛舟。記漢陽秋樹。酌葉綴丹邱。散髮徜徉。黃冠倒履。花影盈頭。吸百川而長鯨。低首卧六合而匹配。慶塵風。姨月姊。笑我無知叟。賣藥人歸。掛多少杖。

頭問織女訪雲帟再活他八斗。任乾坤合璧日月轉丸。醉眼矇矓杯掌休離手。玉皇政務苦相催。去否去否。

快樂神仙詞

賞心樂事問如何。消遣對春風飛落古劍橫肩。么麼小子相與戲翩翩。傲乾坤可否。誰怪雲煙情淡了。世徒然。黃髮垂髫幾變遷。行蹤誰認蓬萊路。弱水三千空漏船。君不見蕭蕭白鶴羽掀天。笑殺流鶯空宛轉。

戲作道情詞

玄機無與。世人自認為虛渺。三千五百歸來多少。說甚麼元皇氣巧。總只是人情顛倒。問而今眼底慧光胸中電。影可曾知道。西江有月東土有舟。可能直泛蓬萊島。黃龍有象。白虎留形。只都是強名之竅。笑浮生碌碌朝朝。枕黃梁未知驚覺。任大夢無虧。方能悟長生不老。嗟嗟那時遲了。今日箇叩。回道。明日箇禮。回道。呵呵。今道人徒吐道。人道我也。不知誰箇能通曉。今試以降筆臨壇。信有無溫涼。一服誰餐飽。勸世塵須當一掃。

山花子

書野韻於燕山駐雲堂

雲散天光鶴一隻。歸飛洞口是。堯時文人正欲詠。瑤詞。桃花解語千秋夢。綠水知音四海筮。野童他。也會吟。

詩。

道情曲

步步嬌

夢幻茫茫花開卸亂殺滄桑月休言今古賒試看一瞬
乾坤千秋吳越若邪又何耶梅花冷淡人生業

沉醉東風

望咸陽殘霞剩闕惜商山流雲斷碣倩花神影漫遮線
兒春拽錦屏忙鶴絲鸞頰餘紅褪也狂鶯那些任羽化
南窗邀醉蝶

好姐姐

莫憐漁翁曉夜曾釣盡英雄興滅誰可以忘機煉黃芽
調白雪憑大塊壘枝節我昂然自決

月上海女

何饒舌秦謳趙舞生生孽惹花脂燕韻鳳雅龍奢惜天
桃紅雨輕盈况蜉蝣綠雲拋撇利名者似黃鳥春歌杜
鵲暮血

五供僮

黃金躍冶紫騰騰秀色箔薄我難些葫蘆倒控陰陽設
雲姨月姊煙霞姐好伴我三皇舊客任人老詔光邁那
些些君不見松濤驚起瓦棺蛇

同七

玉抱肚

青牛力怯。怕函闕夜度。惟依洞月。弄琴樽。千壑酬雲坐。巖岩半林醉。葉瓊妹欲遣鶴迎接。柳煙休管人離別。

水紅花

虛牌套子。因誰設頓誤。這風流豪傑。縱然寵辱三生結。何堪卸四生週折。不信羅浮舊恨。何處芙蓉榭。吊東山。悲太液也囉。

雙聲子

丈夫能自烈。世事隨蛩咽。玄機好對梅花說。再休題玉。簫有願同衾穴。

尾聲

大鵬既把扶搖接。一任他鷓鴣車。借我且把青綸聊披寫。

漁家樂曲

步步嬌

磯上羊裘誰為伴。自在桃花月。輕舸任路賒。趁着雲片。風絲煙波帆葉。蘭槳擊龍蛇。蓼花何處蘆飛雪。

沉醉東風

漢宮春笑他興滅。隋隄柳催人離別。瓊花也今在耶。何曾開卸。只落得東風週折。漁竿影斜。漁歌唱些。然楚竹。

儘醉寒暮夜。

好姐姐

這思人生事業。千萬載無休無歇。又誰知韶華瞬息間。將伊撇。只落得白楊月。照荆榛。斷碣愴然。

月上海棠

再休說桃源怕也成囂。穴看洞迷猿嘯。花落雲遮。挽絲綸。寬影搖搖。捲波濤。龍光疊。疊休披寫。鷗懶沙汀。燕棲

臺榭。

五供儀

刀。噫。然。也。意。那。鄧。最。怯。枕。畔。豪。奢。何。時。解。說。義。皇。蝶。肯。種。幽。蘭。開。綺。野。效。范。蠡。湖。天。放。楫。伴。鹿。鶴。忘。機。矣。渾。河。

車更好覓龍虎金烏作採接。

玉抱妝

東山舊謝。恨堂前燕去。平常庭榭。八公山。鶴唳寒江。九嶷竹。鳳鳴春月。誰憑法相了。些些。鰲鉤。歷盡英雄鐵。

水紅花

漁村遙與蓬瀛接。好寧貼。參他黃白。一聲款乃各相協。野歌兒深通道。訪西岸。呶啞暮影。直把孤星射。兩相呼。

堪停泊也囉。

雙聲子

洞庭春自悅。興廢誰能徹。漁家骨肉由他拙。任你文章
俠氣。渾石畫。

尾聲

王侯富貴休稱說。試問金谷當年羅列。怎似那釣老煙
波。漁樂也。

沉鬱頓挫之作。月

涵三宮詞

西江月示人

我欲尋仙作侶。茫茫四海無真。今朝得遇有緣人。好把
龍沙相贈。洵屬道緣深厚。將來不讓諸生。西南演典

是予門深幸

前調示衆

人事幾回擾擾。俗情無數糾纏。看來世事許多般。總被
心猿羈絆。利鎖名韁不斷。墳塋風水求安。病來不識
保真元。屢向仙翁祈算。

又

笑逐雪花飛舞。喜隨風影團圓。任教馬劣與猿頑。守我
黃房自嘆。嘆彼塵勞夢夢。爭求執著成貪。為兒為女
不清閑。幾度光陰虛誕。

示野航和尚

野航子又被甚風兒打到俺崖前。鐵繩子緊繫你心田。
看你這筋斗從何處翻。禪中學道道又參禪。那裏是著
脚機關。喜汝回頭上我船。

此自度曲也。即以野航子三字為調名亦可。

拖一樓詞

楊柳枝與七絕同只一點拗句不同耳

仰觀俯察圖

天也空來淵也空。鳶魚飛躍在空中。一潭綠水涵虛碧。
雲影波光上下同。

如夢令

開口即成呵。噓。遇了石牀便拜。夢入杳冥鄉。忘却紅塵
世界。難怪。難怪。松下石頭枕壞。

思帝鄉

遊仙

雲一挑。清風又一瓢。走遍東西南北路。迢迢。憩遍菴壇
寺院。冷蕭蕭。莫道行蹤苦。自逍遙。

風流子

酒仙

不要詩篇占手。只要流霞入口。揭烏帽。脫羊裘。單為酒。

錢沒有醉後回首山徑一場觸斗。

法駕導引

詩仙

風流客風流客天際落吟魂千古江山生氣魄四時風
煉字有力
月補精神文采日翻新

天仙子

飛仙

湧出陽神登碧落羽衣飄洒行寥廓白雲黃鶴共遨遊
真快樂無拘束長嘯一聲天地濶

兩同心

詠金丹真夫婦

郎號白鉛女名朱汞東家男子西家生返本還元歸東
阜同剛剛的結就朱陳你憐我寵一對兒鸞和鳳駕
衾同共洞房內雲雨興濃紫霞裏夫妻情重溫溫養養
育嬌兒仙根仙種

醉翁操

琴曲羽化登仙一名岳陽三醉粟菴每為我彈之

因舉東坡醉翁操元韻以酬其意

飄然神圓誰知道琴中傳點題岳陽三醉遊湖天洞庭飛
出嬋娟龍未眠佩劍過樓前問客安往哉讀下集賢子期聽
琴處今

名集
賢村

呂翁到處白石清泉。呂翁長嘯驚起鸞鳴鶴怨。

山月兮升層巔翠閣兮浮晴川。一千四十年貞元戊寅至今丁酉

人人知神仙混跡酒坊間有客思我彈七絃。

不減坡公神韻月

呂純陽先生編年詩集附刻呂氏詩鈔

草堂自記云吾家世守簪纓至岩則濃極思淡我
祖君載公及伯叔父皆擢第於貞元元和之間俗
以予為貞觀天寶時人者何不一考之耶全唐文
集具在畧鈔數首以見有徵唐咸通進士學仙子

呂岩記

門下火西月校訂

呂

渭雲房拜填諱

字君載河中人第進士為浙西支使後貶歙州司
馬貞元中累遷禮部侍郎出為潭州刺史按太平
廣記侍郎呂渭與楊憑相繼廉問湖南皆嘗師南

嶽煉士田良逸。前舍宏。二人道業極高。遠近欽重。
時稱田蔣。與侍郎分最深。後衡州刺史呂溫亦來
就謁。左右告以衡使君。是侍郎伯子。及入拜。良逸
拊其背曰。呂侍郎是汝父耶。溫泣然。後有歐陽平
者。來與田蔣同居。人號三仙。一時蛻去。呂衡州至
山。殮之。顏狀如生。奇香滿院。

憶長安

八月

憶長安。八月時。闕下天高舊儀衣冠共。願金鏡犀象對
舞丹墀。更愛終南灞上可憐秋草碧。滋

狀江南

仲冬

江南仲冬天。紫蔗節如鞭。海將鹽作雪。山用火耕田。

貞元十一年知貢舉。撓悶不能定。去留寄詩前主
司

獨坐貢闈裏。愁多芳草生。仙翁昨日事。應見此時情。

皇帝移晦日為中和節

皇心不向晦。改節號中和。淑氣同風景。嘉名別詠訶。滿
裙移舊俗。賜尺下新科。歷象千年正。醜醜四海多。花隨
春令發。鴻度歲陽過。天地齊休慶。歡聲欲盪波。

經湛長史草堂

巖居舊風景。人世今成昔。木落古山空。猿啼秋月白。誰
同西府僚。幾謝南平客。摧殘松桂老。蕭散煙雲夕。跡留
異代遠。境入空門寂。惟有草堂僧。陳詩在石壁。

呂 温 雲房拜填諱

温字叔和。一字光化。河中人。貞元末擢進士第。再遷為左拾遺。以侍御史使吐蕃。進戶部員外郎。因奏李吉甫陰棄貶均州刺史。議者不遂。再貶道州。久之徙衡州。與南嶽九真觀三仙田良逸。蔣含宏。歐陽平。友。善。樂道。參元。雅有高致。後田將歐三人一時尸解。衡使君至山驗之。於

卒於衡州。良逸來携之西去。有集十卷。

終南精舍月中聞磬聲

月峯禪室掩。幽磬靜昏氛。思入空門妙。聲從覺路聞。冷
泠滿虛壑。杳杳出寒雲。天籟疑難辨。霜鐘誰可分。偶來
遊法界。便欲謝人羣。竟夕聽真響。塵心自解紛。

奉和武中丞秋日臺中寄懷簡諸僚友

聖朝思紀律。憲府得中賢。指顧風行地。儀形月麗天。不
仁恒自遠。為政復何先。虛室唯生白。閑情却草玄。迎霜
紅葉早。過雨碧苔鮮。魚樂翻秋水。鳥聲隔暮烟。舊遊多

絕席感物遂成篇。更許窮荒谷。追歌白雪前。

和舍弟讓惜花絕句

去年無花看。今年未看花。更聞飄落盡。走馬向誰家。

和恭弟聽曉籠中山鵲

掩抑中天意。悽愴觸籠音。驚曉一聞處。傷春千里心。

和舍弟讓籠中鷹

未用且求安。無猜也不殘。九天飛勢在。六月日晴寒。動觸樊籠倦。閑消肉食難。主人憎惡鳥。試待一呼看。

同恭弟夏日題尋真觀李寬中秀才書院

閑院開軒笑語闌。江山併入一壺寬。微風但覺杉香滿。

烈日方知竹氣寒。披卷最宜生白室。吟詩好就步虛壇。願君此地攻文字。如煉仙家九轉丹。

同舍弟恭歲暮寄晉州李六協律三十韻

古人猶悲秋。况復歲暮時。急景迫流念。窮陰結長悲。陽
烏下西額。月鵲驚南枝。攬衣步霜砌。倚杖臨冰池。怳怳
若有失。悄悄良不怡。忽聞晨起吟。宛是同所思。有美壯
感激無何遠。棲連摧藏變化用。掩抑扶搖姿。時傑豈虛
出。天道信可欺。巨川望沆濟。寒谷待潛吹。劔匣益精利。
玉韜詎磷緇。戒哉輕沽諸。行矣自寵之。伊我抱微尚。仲
氏即心期。討論自少小。形影相差池。比來胸中氣。欲耀

天下奇雲雨。沛蕭艾。煙閣雙姜蕤。幾年用方枘。一旦迷
多歧。道因窮。理悟命。以盡性。知事去。類絕強。時來如轉
規。伊呂偶然得。孔墨徒爾為。早行多露悔。強進觸樊羸。
功名豈身利。仁義非吾私。萬物自生化。一夫何驅馳。不
如任行止。委命安所宜。勸君休感嘆。與子陶希夷。明年
郊天後。慶澤歲華滋。曲水杏花雪。香街青柳絲。良時且
暫歡。樽酒聊共持。閑過漆園叟。醉看五陵兒。寄言思隱
處。不久來相追。

道州夏日郡內北橋新亭書懷贈何元二處士

結構池梁上。登臨日幾迴。晴空交密葉。陰岸積蒼苔。爽
氣中央滿。清風四面來。振衣生羽翰。高枕出塵埃。齊物
魚何樂。忘機鳥不猜。銷閑炎晝靜。選勝火雲開。僻遠宜
屏性。優游賴廢材。願為長泛梗。莫作重然灰。守道躬非
過。先時動是灾。寄言徐孺子。賓榻且徘徊。

道州敬酬何處士書情見贈

意氣曾傾四國豪。偶來幽寺息塵勞。嚴陵釣處江初滿。
梁甫吟時月正高。新識幾人知杞梓。故園何處長蓬蒿。
期君自致青雲上。不用傷心歎二毛。

戲贈靈澈上人

僧家亦有芳春興。自是禪心無滯境。君看池水湛然時。

何曾不受花枝影。

輦路感懷

馬嘶白日暮。劍鳴秋氣來。我心浩無際。河上空徘徊。

道州途中即事

零桂佳山水。榮陽舊自同。經途看不暇。遇境說難窮。疊嶂青時合。澄湘漫處空。舟移明鏡裏。路入畫屏中。巖壑千家接。松蘿一徑通。漁煙生縹緲。犬吠隔龍葱。戲鳥留餘翠。幽花惜晚紅。光翻沙瀨日。香散橘園風。信美非吾土。分憂屬賤躬。守愚資地僻。邱隱望年豐。且保心能靜。求政必工課。終知免戾歸。養洛城東。

題陽人城

忠驅義感即風雷。誰道南方乏武才。天下起兵誅董卓。長沙子弟景先來。

劉郎浦口號

吳蜀成婚此水濶。明珠步幃幄黃金。誰將一女輕天下。欲換劉郎鼎峙心。

喜儉弟北至送宗禮南行

洞庭舟始泊。桂江帆又開。魂從會處斷。愁向笑中來。惝恍看殘景。殷勤祝此盃。衡陽刷羽待。成取一行迴。楚州追制後。舍弟直長安。縣失囚花下。共飲。

天子收郡印。京兆責獄囚。狂兄與狂弟。不解對花愁。

道州春遊歐陽家林亭

道州城北歐陽家。去郭一里占烟霞。主人雖朴甚有思。解留滿地紅桃花。桃花成泥不須掃。明朝更訪桃源老。政成興足告即歸。門前便是家山道。

上官昭容書樓歌

漢家婕妤唐昭容。工詩能賦千載同。自言才藝是天真。不服丈夫勝婦人。歌闌舞罷閑無事。縱恣優游弄文字。玉樓寶架中天居。絨綺異萬卷餘。水精編帙綠鈿軸。雲母搗紙黃金書。風吹花露清旭時。綺窗高挂紅綃帷。

香囊盛煙繡結絲翠羽拂案青琉璃吟披肅卷終無已

皎皎淵機破研理。詞縈彩翰紫鸞迴。思耿寥天碧雲起。碧雲起。心悠哉。境深轉苦坐自推。金梯珠履聲一斷。瑤階日夜生青苔。青苔祕空闕。曾比羣玉山。神仙杳何許。遺逸滿人間。君不見洛陽南市賣書肆。有人買得研神記。紙上香多蠹不成。昭容題處猶分明。令人惆悵難為情。

貞元十四年旱甚見權門移芍藥花

綠原青隴漸成塵。汲井開園日日新。四月帶花移芍藥。不知憂國是何人。

道州即齋卧疾寄東館諸賢

東池送客醉年華。聞道風流勝習家。獨卧那齋寥落意。
隔簾微雨濕梨花。

讀小弟詩有感因口號以示之

憶吾未冠賞年華。二十年間任咄嗟。今來若汝看花歲。
似汝追思昨日花。

道州感興

當代知文字。先皇記姓名。七年天下立。萬里海西行。苦
節終難辨。勞生竟自輕。今朝流落處。瀟水遠孤城。

和李使君三郎_中秋城北亭宴崔司士_中因寄關中

張評事

黃花古城路上盡。見青山。桑柘晴川口。牛羊落照間。野
情隨卷幔。塵事隔重關。道合偏重賞。官微獨不閑。鶴分
琴久罷。書到雁應還。為謝登臨客。瓊林寄一攀。

題從叔園林

阮宅閑園暮。窗中見樹陰。樵歌依野草。僧語過長林。鳥
向花間井。人彈竹裏琴。自嫌身未老。已有任山心。

送僧歸漳州

幾夏京城住。今朝獨遠歸。修行四分律。護淨七條衣。溪
寺黃橙熟。沙田紫芋肥。九龍潭上路。同去客應稀。

道州夏日早訪荀參軍林園敬酬見贈

高眠日出始開門。竹徑旁通到後園。陶亮橫琴空有意。
任崇置水竟無言。松窗宿翠含風薄。槿院朝花帶露繁。
山郡本來車馬少。更容相訪莫辭喧。

岳陽懷古

晨飈發荊州。落日到巴邱。方知剴剴利。可接鬼神遊。
二湖豁南寢。九派駛東流。襟帶三千里。盡在岳陽樓。憶昔
關羣雄。此馬爭上游。吳昌屯虎旅。晉盛驚龍舟。宋齊紛
禍難。梁陳成寇讐。鐘鼓長震耀。魚龍不得休。風雪一蕭
散。功業忽如浮。今日時無事。空江滿白鷗。

奉勅祭南嶽十四韻

皇家禮赤帝。謬獲司風域。致齋紫蓋下。宿設祝融側。鳴
澗驚宵寐。清猿遞時刻。深潔事夙興。簪佩思盡飾。危壇
象嶽趾。秘殿翹暈翼。登拜不遑顧。酌獻皆累息。贊道儀
匪繁。祝史詞甚直。忽覺心魂悸。如有精靈逼。漠漠雲氣
生。森森松柏黑。風吹虛籟韻。露洗寒玉色。寂寞有至公。
馨香在明德。禮成謝邑吏。駕言歸郡職。憩桑訪蠶事。導
疇課農力。所願風雨時。回首瞻南極。

奉送范司空赴朔方

築壇登上將。膝席委前籌。虜滅南侵跡。朝分北顧憂。抗

旌迴廣漠撫劍動旄頭。坐見黃雲暮。行看白草秋。山橫
舊秦塞。河繞古靈州。戍守如無事。惟應獵騎游。

送文暢上人東遊

隨緣聊振錫。高步出東城。水止無恒地。雲行不計程。到
時為彼岸。過處即前生。今日臨歧別。吾徒自有情。

道州春日感興聯句

李景儉 呂 温 呂 恭 進士

始見花滿枝。又見花滿地。李且持增氣酒。莫滴傷心淚。
温深誠長鬱結。芳辰自妍媚。恭嘯歌同永日。誰知此時
意。李

呂

讓 雲房拜填詩

河中人。元和進士官。郎中出為海州刺史。與
賈島從弟詩僧無可作塵外交。及赴海州時。無
可送以詩曰。出守滄洲去。西風送旆旌。路遙經
幾郡。地盡到孤城。拜廟千山綠。登樓遍海清。何
人共東望。日向積濤生。題作送呂郎中赴滄洲

詠笋示子姪

春光二月到幽林。孕得烟霞氣更深。漸覺清風吹洒洒。
新經早雨正森森。望渠長過千年竹。添我閒遊一徑陰。
縱抱凌霄標。漢志層層節。節要虛心。

